



Olje- og energidepartementet

Vår ref.

14/1264-4/K2-T78//KDA

Dykkar ref.

Dato:

12.09.2014

OVERSENDING AV HØYRINGSUTTALE - RAPPORT OM ORGANISERING AV STRAUMNETTET - REITEN-UTVALET

Vi viser til Reiten-utvalet sin rapport «Et bedre organisert strømnett» som ligg ute til høyring fram til 1. oktober 2014.

Eid kommune ved samfunnsutviklingsutvalet avgjorde i møte den 11. september 2014, sak 032/14, å gje følgjande uttale til rapporten:

Eid kommune sluttar seg til Fylkestinget i Sogn og Fjordane si høyningsfråsegn av 11. juni 2014 til rapporten Et bedre organisert strømnett:

1. Fylkestinget ser positivt på at utvalet erkjenner problemstillingar rundt store skilnader i nett-tariffar i ulike deler av landet. Det er også positivt at innmatingsinntektene skal gå til det nettnivået der faktisk innmating skjer. Fylkestinget beklagar derimot at utvalet ikkje har foreslått løysingar for problem knytt til urimeleg høge og aukande nett-tariffar i område med omfattande utbygging av fornybar kraftproduksjon. Kraftforedlande industri som td Elkem Bremanger må få behalde si tilknytning på høgaste nettnivå, eventuelt at det vert ein nasjonal tariff for kraftforedlande industri. Konsekvensen av manglande løysingar kan bli nedbygging av industri og næring, og sterk svekking av utbygging av fornybar energi. Fylkestinget ber om ei utgreiing av ei nettleigeordning som tek hensyn til utfordringane i område med stort potensiale for produksjon av ny fornybar energi. Fylkestinget ber om tiltak som sikrar konkurransedyktige rammevilkår.

2. Noverande nett tariffar stimulerer til å legge tung forbruk av elektrisk energi til underskotsområde (vekk frå våre overskotsområde). Dette fører til dyrare nett og større tap i nettet. Ei ny ordning må gje prissignal som fremmar rasjonell bruk av ressursane.

3. Fylkestinget meiner at den situasjonen som t.d. Sogn og Fjordane er i, med urimeleg høge og aukande nett-tariffar på grunn av lojal oppfølging av nasjonale mål om utbygging av

fornybar kraftproduksjon, ikkje kan halde fram. Sentrale styresmaktar må gjere noko med dette.

*4. Fylkestinget ser elles fleire av framlegga i rapporten frå Reiten-utvalet som positive.
Mellanom anna gjeld dette framlegget om at regionalnettet skal bli ein del av distribusjonsnettet
og framlegget om DSO-organisering*

Med helsing

Kristine Dahl
Plan-og utviklingssjef